

EH. Arnaldo Otegi bere kezka azaldu du Ibarretxek «autonomiaren inguruko eztabaida piztu nahi duelako»

Otegi: «Madrili aurre egiteko EHk eskuak luzatuak dizkio Ibarretxeri»

EAEko lehendakariaren erantzun tinkoa «burujabetasunaren aldekoa» izan behar duela dio

Garbiñe Olaizola | DONOSTIA

Juan Jose Ibarretxe EAEko jarduneko lehendakariak autogobernuari buruz egindako adierazpenak aztergai izan zituen atzo Arnaldo Otegi EHko bozeramaileak. Ibarretxek ostegunean esan zuen Jaurilaritzak «politikoki, koherentziaz eta tinko» erantzungo diola «Jose Maria Aznarren Gobernu bultzatzen ari den atzerako bide arriskutsuari». Lehendakariaren arabera, Aznar Lege proiektuez baliatzen ari da autogobernua murrizteko.

Arnaldo Otegi «ezker abertzalearen eskua» luzatu zion, «Madrili aurre egiteko». «Gure eskuak luzatuta dauzka burujabetasunaren alde egiteko eta Madril aurka behin-betiko ofentsiba politiko-demokratiko bat antolatzeke, Euskal Herriak bere eskubide demokratikoak errespetatuak izan ditzan», adierazi zuen EHko bozeramaileak. Horrenbestez, «erantzun tinko eta politiko hori», Ibarretxek «burujabetasuna aldarrikatzeko» egin behar duela, uste du Otegi.

Ibarretxeren hitzak «ongi etorriak izan daitezela» esan zuen Otegi eta EHk «itxaropenez» hartzen dituela onartu zuen. Hala ere, bere kezka azaldu zuen lehendakariaren hitzek «iraganeko eztabaida pizten»



JUAN HERRERO / EFE
Arnaldo Otegi, EHko bozeramaileak, atzo, hedabideen aurrean.

dutelako, «autonomiaren ingurukoa, alegia». Otegiren iritziz, eztabaida hori «gaindituta dago gure herrian».

«Iraganeko errezetara itzuli»

«Guretzat hori iraganeko errezetara itzultzea litzateke», nabarmendu zuen. «Madrilen eta Parisen kontra, abertzale eta aurrerakoien artean ekimen ba-

ARNALDO OTEGI

EHko bozeramaileak

«Ibarretxeren hitzek iraganeko eztabaida pizten dute, autonomiarena, alegia. Hori gaundituta dago»

teratua planteatu behar bada, hori abertzaleen eta burujabetzaren aldeko terminoetan izan behar da; eta ez sartu berriro Madril eta EAEn arteko eskumenen salerosketan».

EHko buruzagiaren aburuz, «Euskal Herria erakusten ari da, hauteskundeak, batzuek zein besteek irabazi, arazoak ez dituela konpontzen».

«Jaurilaritzak bere eskumenak irmoki defendituko ditu», dio Imazek

Agentziak | DONOSTIA

Autonomian «atzeratzen» dela eta «autogobernua murrizteko etengabeko saioak» daudela berretsi zuen atzo Josu Jon Imaz Eusko Jaurilaritzako bozeramaileak.

Horren aurrean, Jose Maria Aznarren gobernuari ohartarazi zionez, «bide horretatik jarraitzen badute, jakin dezatela Jaurilaritzak eta lehendakariak, politikoki eta irmoki euskal herritarren eskumenak, autogobernua eta dirua defendituko dituztela».

Modu horretara erantzun zion Jaime Mayor Oreja PPko legebiltzarkideari. Mayor Orejak esan zuen autonomian ez dela atzera egingo. Imazek gogoratu zuenez, «euskal gizarteak azken hamar urteetan 140.000 milioi pezetara galdu ditu eta Madril gelditu dira, teknologia, berrikuntza eta ikerketarako eskumena ez dagoelako transferitua».

PPko Gobernuak esku artean bi lege proiektu dituela, gogoratu zuen Jaurilaritzako bozeramaileak. Horien bidez, Lanbide Heziketaren eta unibertsitateen ahalmena murriztu nahi duela esan zuen.

ABERTZALEEN BATASUNA. Estrategiari buruzko eztabaida fase batean sartu dira eta heldu den urrian hartuko dute erabaki bat

ABren azken sei urteetako aktibitateen balorazioa egin dute kideek biltzar nagusian

E.B. | BAIONA

Abertzaleen Batasunaren ez ohiko biltzar nagusia iragan zen barda, Uztaritzen. Azken sei urteetako jardueren, ibilimoldearen eta egoera politikoaren balorazioa egin zuten. Besteak beste, eraikuntza nazionalari begirako urratsak, estatuen jokamoldea eta gizartearen bilakaera aztertu zituzten. Azken aste horietan eskualdez eskualde aztertu dute bilana.

Atzo izan zuten bakoitzaren irakurketaren ezagutzeko parada. Bilanaren inguruko fasearen animatzaileak aurkeztu sintesia

bat bozkatu behar zuten parte hartzaileak.

AB fase berri batean sartu zen atzo, behin bilanaren zatia bukatu ondoren. Ondoko hilabeteetan, hartu beharreko estrategiari buruz eztabaidatuko dute. Urrian bertze biltzar nagusi batera deituak izanen dira militanteak, estrategiaren eta ABren zehaztapenaren hautatzeko. Atzo arratseko biltzar nagusian eztabaidan jadanik sartzea pentsatzen zen. Batasunaren sortzea dela eta, ABko kide guztiek ez dute ikusmolde bera, alderdiak izan behar lukeen jarraipenari begira.



BOB EDME
Abertzaleen Batasuneko kideek biltzar nagusia egin zuten, atzo, Uztaritzen.